

李龍集

署 韻 誠 格

效雉噫吟草

我道人龍石著

禁中答吳劍菴譜兄

龍門踵謁識韓初七寶莊嚴小隱居

君軒名七寶齋

季札高風三尺劍

菴

說

餅連朝夢約我浮瓜異日儲

曾訂來年消暑吳質南皮故事

我愧當年李元禮三君

果躬鼎早丹心矢

禁中答曹惠卿譜弟

傳舊餽久沉淪青眼相逢迴出塵榮說延陵分

委泥塗營屯細柳傳刁斗

酹飢高歌碎

步成章才八斗三生舊雨証前

夕

婆樓才略出

西利

飛軍門大斫刀二首

送山

送客馬蹄輕蕭何饋餉難爲繼

劉晏經綸莫

平生志氣詎消磨佇看寰海烽

更

負羽從戎迴

偃月以此斬梟雄淨掃妖連床約荀彧郭嘉夜雨分匝地山川勞僕馬

贈高次穎軍門

不折戎馬縱橫鋒芒作作熱血酬人

僕水火爲精金爲骨赤鴻鼓鑄愧不如白刃鑪錘

玉紫星七首二則

七首七首與爾東西走磨以須藏之久隱專諸之袖附荆卿之肘如健僕

良友如第曰思患預防櫻其刃而挫其鋒也則否

善而藏謀宜預運之成風神乎技取諸其懷戒不虞脫穎而出堪一試持此以往固其禦

侮折衝而投無不利

詠寶刀贈趙伯雲總戎

三尺鳴鴻透胆寒首山銅鑄出人間青蛇赤鵲今猶在不奪崑崙終不還

馬夢臣世講入泮贊書紈扇以贈

一舉成名領袖羣英盛時麟鳳出水芙蓉玉皇案吏天子門生班香屈豔鮑雋庾清含毫盥露揮塵揚風方之君家惟良惟融

代德福亨明府和委員榮公出就鹽任四章

使君奉節又移驂祖餞紛紛賦雅南軍國儲才誇傅亮旌旄競耀送張堪鞠躬卿早丹心矢執掌余終白髮慙珍重前途從此別來鴻去鯉再相探

琴樽舊館笑相呼地北天南月影孤一路青山催露布十年白袷委泥塗營屯細柳傳刁斗醉後高歌碎唾壺卻穀將才諸葛略英光輝映似君無

婆樓才略出郵程介子功名萬里行野鳥喚人驪唱遠山光送客馬蹄輕蕭何饋餉難爲繼劉晏經綸莫與京壯志圖南應未已暫將離緒話殘更

負羽從戎迴出羣班超投筆效終軍陳琳阮瑀連床約荀彧郭嘉夜雨分匝地山川勞僕馬

彌天旌旆捲風雲七言權作文通賦筆硯慙余不早焚

禁中遣懷

自我塞北遊山川幾經歷舉世皆若狂誰爲拯沉溺官紳似冰炭兵民如仇敵
兔爰雉羅羅鹿挺驥伏櫪獬豸不能觸鵬鶚不能擊下情難上達九重隔萬里
宋璟腸鐵石斐琰手霹靂自恨余生晚瞻望亦何及

其二

兀坐對楚囚心事多猶豫遊子久不歸光陰何太遽溫嶠愧絕裾毛義慚捧檄
擬回曹子車肯叱王遵馭靖節賦歸來薛逢吟老去身如不繫船心似沾泥絮
下第哭劉蕡吐懷輸杜預常殷百感憂那冀千古譽翻羨老僧閒澹靜消俗慮

其三

蒿目感時艱痛腸縈百結覲縷不成章壯遊慚駑劣塊儡笑當場官箴多滅裂
狗苟雜蠅營

穿窬等鑽穴豺狼噬人骨虺蛇吮人血無厭肆誅求何愁民力竭偶作不平鳴縲紲遭脆脆
豐蔀日照難覆盆冤莫雪廣平心如石龍圖面如鐵古人不可作風流今歇絕象以齒焚身
鋒以剛自折始知強出頭不如安守拙

其四

庖羲造書契倉頡制文字兩粟而鬼哭造物有深意束髮甫受書亦頗知大義孔曰志於學
孟曰尙其志五霸不足六三王不足四傳一廖二功咸五登三治直欲破荒天擬出人頭地
責備伊何人矧非吾事既讀周孔經詎昧蕭曹律那知鳴不平翻爲世所忌

其五

箕子演明夷文王演周易自問非其倫途殊原一致黃霸授尙書龍門作史記抗心希古人
所學果何事鍾儀操土音絳侯畏獄吏吾道豈非耶彼蒼胡倒置猛虎在檻阱搖尾而求食
蛟龍游淺水反爲魚蝦戲自來賢聖徒患難亦嘗試況我叢過軀坎壈何足異人生貴有權

文學不足庇請觀趙孟家門庭何其熾

其六

平生志未酬壯懷心不滅欲請終軍纓擬授張騫節鄧禹出龍韜班超入虎穴奇哉馬賓王
撫衷難爲說劉蕡與羅橫一世人中傑杜默哭泥神歌罷聲欲咽楊慎傳粉遊老顛風景裂
我亦學插花雙髻氎如雪朱衣張秀才天魔舞不輟我愧唐六如踞床徒餽啜同甫狼疾名
莫捫世人舌文長號喫瘋自憤良亦拙夢裏覓孫登大笑天地折

禁中新秋枕上

一枕新涼着意猜遙知籬落豆花開幽居秋信誰先報昨夜西風送雨來

禁中口號

南陽無臥龍誰爲天民偉大范老子沒誰抱先天憂官箴與儒術勢若風馬牛苞苴勝科第
翻令制舉羞文不能擗管武不能挾輶一朝鑽狗洞居然冠沐猴官場若兒戲紳民如仇讎

瘡痍兵燹餘腴削無止休書生本迂闊章縫傲公侯世與我相異駕言復焉求拳碎黃鶴樓
脚踢鸚鵡洲安得醉白酒同消萬古愁

其二

顏淵不長生盜跖不速死能爲官吏羞不作丈夫恥丈夫恥官吏羞牧猪之徒優孟流黃緣
競喜續狗尾功名多半爛羊頭羊頭狗尾官爵濫錢神有力民塗炭堂上陰霾天日昏全隱
皋陶削瓜面削瓜面毒且酷前邳都後楊僕義縱寧成不勝數書生鳴不平獄中悲李杜未
雪冤中冤翻遭苦中苦吁嗟乎官不入甕民覆盆天堂無路地無門當前且自弄威勢地獄
深深何足云

禁中讀史下酒口占

名士不輕生造物誠珍重如何天生才不爲世所用文章推馬班策略稱賈董深山大澤中
棄置同庸衆功業炫蕭曹身世誤周孔宦途趨嬖娜朝列忌忠鯁秦政築長城萬世期坐擁

阿房燄燭天軹道不旋踵曹瞞奸險尤欺心造疑塚腐骨不曾埋無後徒作俑龍逢與夷齊
空餘死士壘楮淵馮道流歷朝專貴寵宣尼老無子顏回壽不永作善不降祥惡貫無覺警
元禮不敢籠俊臣不入甕天網雖恢恢人心殊夢夢雉兔誠擾馴俎醢無遺種虎豹戕殺人
人人皆震恐弱肉強者食愚爲智所讐上下五千年掩卷自尋省詩書豈愚人空抱賈生痛
翹首問上蒼蒼天亦懵懂

禁中對酒漫興

盛德尙優容貪婪多忌諱登聞訶薨芻拜善嘗泣罪祖龍剋天眼令出誅腹誹焚書阮驢山
慘毒此爲最雜霸始春秋囂凌降漢魏政治喜紛更進取工柔媚蛾眉善謠詠貝錦傷萋斐
巧宦極鑽營治世輸經緯好官我自爲拙宦誠無謂南豐安迂闊蘇廣嗤老諄詎知韋布榮
睥面且盍背休誇軒冕華不仁負高位銅山化冷風衰楊走狐魅鬼瞰伯有門雨泣銅駝淚
孔顏有真樂趙孟非良貴早知道味濃何妨薄世味

禁中酒後讀俠義傳

平原濟窮鳩義士皆爭許勾踐式怒鼃勇士皆爭死英雄不負恩豪傑酬知己里巷游俠徒
慷慨明大義燕丹誠小兒荆卿誠壯士取彼將軍頭獻此督亢地一擲雖不成秦王魄已褫
智伯已敗亡趙孟尤赫奕壯哉豫讓橋三月籌一擊專諸刺吳僚要離刺慶忌朱亥與侯嬴
孟賁與夏育聶政幸有姊季布賴有弟朱家劇孟流重義輕勢利死生不足惜身家何足計
肝膽矢平生雲天高意氣三軍帥可奪匹夫不奪志

古劍歌

壯士腰橫三尺鐵北走燭龍南走粵寒泉馬上作龍吟肝胆酬人憑熱血一腔熱血一杯酒
光芒燭天射牛斗入關赤帝斬白蛇上蔡公子牽黃狗范增撞斗樊噲驚錢塘濤怒屬鏖鳴
飲飛斬蛟腥血出烏江空咽楚人聲吁嗟乎公孫脫舞渾婆娑王郎斫地愴悲歌英雄成敗
自古多時不利兮奈劍何

禁中卽事二首寄馬西崗老友

獻驚公然又索梟虎威狐假日號呼赭衣囚首泣相語鐵鎖銀鐺災切膚夜半燈昏簷霤細
夢回風捲雨聲轟覆盆海底天難問莫漫高歌碎唾壺

漫把官場作戲場衙胥作勢甚公堂虎威喝斷九衢路狗臉翻生六月霜白鐵無情驅大螽
青銅搜盡飽貪狼鼠牙雀角緣何事忍耐些兒也不妨

昌圖趙守勒民間送萬民衣傘匾額劣紳市僧皆往賀焉是日觀者如堵奴子爲予告
之因賦以志

高牙大纛塞前途車馬冠裳夾道驅三載考功誇狗盜萬民含淚頌龍圖斲筋削骨傳童崽
諂笑脅肩雜婢奴爲問堂簾身受者廉明公正稱心無

禁中與王紫星由海賓夜對

螢火蟬吟抱影閒箇中休戚盡相關十年舊雨燈前話一卷新詩枕上刪簷鐸風疎催夢短

井梧葉落報秋還
烏啼月上愁千疊
未了雄心鬢已斑

禁中寄孫曉楓譜兄二首

從悔班超投筆遲
南豐迂闊太支離
戰如曹劌羞三敗
貧似陳平媿六奇
大錯鑄成千古恨
畢生心事一燈知
文章誤我終無用
絕少涓埃答盛時

感舊常吟李杜詩
芝蘭臭味不差池
漫言才大難爲用
媿說名高謗亦隨
白水訂交成戲幻
黃金已盡少相知
來鴻去鯉開緘候
權作巴山夜雨時

禁中寄王幽管譜弟

磨人身世出明夷
造物何心善切劘
飄泊風塵身似絮
銷沉歲月髻如絲
醉中作字揮毫疾
悶裏吟詩得句遲
從此守愚安我拙
括囊終日學猷痴

禁中與王子馨譜弟悟對卽賦以贈

年少終軍志未酬
班超投筆擬封侯
賢如吳玠何妨戇
勇似廉頗況好謀
蝟斧螳鋒皆喪胆

梟心獍性幾懸頭鯢鵬素有翀天翼爲問樊籠展得不

禁中贈馬西崗老友

花落花開沮雁魚關河縹杳白雲居常懷元度臨風候每思公榮對酒餘慙說重修司馬史
忝言再報少卿書何當脫却鍾儀繫門外重停問字車

片紙飛來快啓函故人情味箇中參我如劇戰羞三北君仿宣庭召二南帳裏季長存問切
禁中元禮罪餘慙文淵老去關心甚何日尊前共擘柑

禁中無題二首

飄泊身如不繫舟茫茫烟海一浮鷗明知係臂風波惡故拽飛帆破浪游
書生尙志負天民蒿目時艱願未伸安石深源如不起蒼生依賴果何人

王紫薌贈毘雞雌雄各一撫而有感

漫說孳孳起舞先箕囚演易快談玄羈栖尙有雄飛志愧讓劉昆早着鞭

素願雄飛說趙溫祖生鞭不讓劉昆年來戢翼安雌伏那有先聲鬪志存

禁中無事達生性門請日講易一卦學夏侯勝黃霸授書故事賦以解嘲

卦演明夷咒虎歌有才無命奈才何羲爻一畫開天後貞吉爭如悔吝多

賈長頭與范長頭問事嗷嗷總不休何若心齋顏氏子淵然皮裏作春秋

禁中守凍雪窗卽事四首

憶自入禁來幾度逢令節一日腸九迴一夜衷百折童僕色淒涼親朋書斷絕蓼莪華黍詩
每讀聲爲咽

蒺藜四環匝天日兩高潔屋角蘸玉霜瓦縫飛瓊屑凍鳥簷際呼朔風窗紙裂奇才遭奇窮
保身慚明哲

慘矣衆纍囚經年獄未決路遠骨肉疎刑餘肢體折命賤獄吏尊官威肝膽裂勿喜宜哀矜
此語誠悲切

夜坐不成眠身名慚敗裂壁暗燈欲昏爐燼衾如鐵爲報少卿書嘔盡長吉血但能固其窮何必因人熱

禁中晨起看雪偶成

輪囷匝四圍雲容垂霽霽白戰玉龍飛鱗甲舞向背風迴柳絮飄窗破琴聲碎天意厭塵氛用此滌煩穢

開門雪壓檐霏霏勢不已天女散花來神仙排雲裏飛白字書空蔚藍天作紙問誰剪鵝毛右軍呼欲起

上帝本好生天胡慘不喜積雪壓冰霜況是覆盆裏隔巷聞簫笙錦瑟圍羅綺誰念袁君山僵臥呼不起

大造亦何心三日雪不止昭昭斯之多昏昏詎若此醯雞處甕中游魚聚釜底抗懷劉使君坐嘆應拊髀

夜不成寐倚枕偶成

壯不如人老可知而今四十已如斯酒杯收拾雄心去不作倪迂學顧癡
狡兔爰爰雉入羅彌天冤海作風波明珠彈雀今知誤殺狗何勞淬太阿
身外浮雲久淡如詎因溫飽喪其初淵明但得吟歸去吾愛吾廬讀我書
黃金臺上幾蒿萊羅隱劉賁安在哉但使綠萍逢薛卞蒼天何必不憐才
賈傅唐衢痛已深千秋姓字不銷沉步兵莫作窮途哭未解蒼天玉汝心
笑向龍門問史遷授書演易遣餘年壯懷未了韓安國不信死灰不復然

七里坡道中寄認珊老弟四章

夜雨燈欲昏獨對悽惶我情絲斷復連心鏡圓又破老淚幾偷彈離懷難爲說區區如縷腸
那堪零碎割

晨起理行裝將行又迤逗三生既有緣一面胡難覲尺素讀未終青衫濕欲透媧皇不再生

誰補情天漏

思君不果來長途難爲別車馬逐風塵肝腸悲斷絕鴛扣結同心魚槭浮淚血相望隔關山
千里共明月

荒村流水環古驛奇峰捲途窮壯志消情碎剛腸歎夢迴客路長魂斷天涯遠我懷與子情
盡付亭長短

讀認珊弟書偶感

披箋三復聲爲咽墨是啼痕字是血唾壺擊碎蠟炬殘寶琴零落肝腸絕美人香草碧雲天
畫枕疎簾綺窗月一杯熱酒入秋懷化作相思淚千疊

西行別友人

身如泥絮沾腸若車輪轉相思亭短長別意水深淺易消烈士心難入俗人眼造物任低昂
乾坤一放膽